




西麓繼周集 宋陳允平撰

清咸豐七年(公元一八五七年)勞權抄本

卷二
長安路
瑞龍吟



西麓繼周集

瑞龍吟

宋蕭鄮澹室後人陳允平



長安路還是燕乳鸞嬌度簾遷樹層樓十二闌干繡
簾半捲相思處處謾凭竚因念綵雲初到瑣窗瓊戶
梨花猶怯春寒翠羞粉怨尊前解語初空有章臺煙
柳瘦纖仍似宮腰飛舞憔悴暗覺文園雙鬢非故
閑拈斷葉重託殷勤句頻回首河橋素約津亭歸步
恨逐芳塵去眩醉眼盡游絲亂緒腸結愁千縷淡院
靜東風落紅如雨畫屏夢繞一篝香絮

風流子

闌干休去倚長亭外煙草帶愁歸正曉陰簾幕綺羅
清潤西風環佩金玉參差淡院悄亂蟬思聶木雙燕
別春泥滿地殘花蝶圓涼夢半庭落葉蛩感秋悲

蘭屏餘香在銷魂處憔悴瘦不勝衣誰念鳳樓當日
星約雲期悵倦理鸞箏朱弦空暗強臨鴛鏡錦帶閑
垂別後兩峯眉恨千里心知

又

殘夢繞林塘詩添瘦瘦不似東陽正流水蕩紅暗通
幽徑嫩篁翻翠斜映回塘對握寶箏任度曲銷蠟靚
新簧鸞嬾畫長燕閑人倦乍親花篔簹慵引壺觴 簾
蘖淡淡地歌塵靜芳草自碧空廂十二畫橋一隄煙
樹成行向杜鵑聲裏綠楊庭院共尋紅豆同結丁香
春已無多祇愁風雨相妨

華胥引

涵空斜照掠水輕嵐滿天紅葉鴈泊平蕪鳧依亂荻
聲啞啞寂寞金井梧桐漸轉轡伊軋明月紗窗夜寒
孤枕應怯 吟老西風笑衰髯頓疏如鑷錦箋勤重

頻剔蘭燈自閱多謝征衫初寄寶香薰篋尚愁憶家
山夢魂飛度千疊

意難忘

額粉宮黃襯桃花扇底歌送瑤觴裙拖金縷鈿衫唾
碧花香瓊佩冷玉肌涼羅韞步滄浪謾共伊心盟意
約眼覷眉相 連環未結雙雙似桃源誤入初嫁劉
郎瓏瓏仙子髻綽約道家妝千種九回腸雲雨夢猶
妨誤少年紅銷翠減虛度風光

宴清都

聽徹南樓鼓寒宵迴玉壺冰漏遲度重溫錦幄任護
青氈曲通朱戶巡檐細嚼寒梅歎寂寞孤山伴侶更
信有鐵石心腸廣平幾度曾賦 寒淡試擁羊裘松
醪自酌誰伴吟苦摩挲醉眼闌干笑拍白鷗驚去梁
園勝賞重約漸玉樹瓊花處處怕柳條未覺春風青

青在否

蘭陵王

古隄直隔水輕陰颺碧東風路還是舞露煙眠年年
自春色紅塵徧京國留滯高陽醉客斜陽外千縷翠
條彷彿流鶯度金尺長亭半陳迹記曾繫征鞍頻
護歌席息息江上又寒食回首處應念舊曾攀折依
然離恨徧四驛倦游尚南北惻惻怨懷積漸楚榭
寒收隋苑春寂眉顰不盡相思極想人在何處倚樓
橫笛閑情似絮更那聽夜雨滴

瑣窗寒

禁燭飛煙東風插柳萬家千戶梨花院落數點弄晴
纖雨傷鞦韆紅雲半溼畫簾燕子商春語歎十年南
北西湖倦客曲江行旅日暮花淡處對脩竹彈碁
戲評格五攜尊共約詩酒雲明月侶念舊游九陌香

塵倡條冶葉還在否踏青歸醉宿蘭舟枕藉黃金俎

隔浦蓮近拍

鉛霜初褪鳳葆碧旆侵雲窈萬綠傷春遠林幽樂
禽鳥斜陽隄畔草游魚鬧暗水流萍沼翠鈿小涼
亭醉倚接羅巾任欹倒月明庭樹夜半鵲飛驚曉隔
岸賞鄉夢漸到吹覺一襟風露塵表

蘇幕遮

早梅芳

柳初妍花漸好可恨行期到落梅香盡澹月朦朧影
微照風簾銀燭暗露幕金花金縱離歌緩唱殘角又

霜曉鎖窗前。秦吉了，促上長安道。揚鞭西去，幾點
稀星尚雲表。去程疑是夢，宿酒昏情，抱鳳樓空。瓊簫
聲漸杳。

又

鳳釵橫，鸞帶繞，獨步鴛鴦沼。闌干斜倚，自打精神對
花笑。貼衣瓊佩冷，襯鞦韆金蓮小。捲香茵，縹緲舞袖稱
纖妙。夢初成，歡未了。明日青門道，離雲別雨，脈脈
無情畫堂曉。柳邊驕馬去，翠閣空凝眺。漸春風，綠愁
江上草。

四園竹

昏昏暝色亂，葉擁雲扉渚。蘭風潤庭桂，霽燼香動秋
闌獨向，閑亭步。月闌干，瘦倚此情，惟有天知。縱如
其黃花時節，歸來因循已誤。心期欲寫相思，寄與愁
拂鸞箋粉淚。盈盈先滿紙。正寂寞樓南，鴈過稀。

驀山溪

側犯

晚涼倦浴，素妝薄試鉛華靚。凝定似一朵芙蓉汎清
鏡。輕紈笑自撚，撲蝶鴛鴦徑。嬌嬾金鳳彈斜，欹翠蟬
影。冰肌玉骨，襯體紅綃瑩。還青青暗省。記雙鬢舊
潘令。夢想鸞箏後，堂淡靜。何日西風碧梧金井。

齊天樂

客愁都在斜陽外。凭闌桂香吹晚，亂葉蟬哀。寒汀鷺
泊，離緒并刀難剪。牙屏半掩，漸塵撲冰紈，浪收雲篔
露。入征衣，滿襟秋思，付詩卷。還思前度，問酒鳳樓

舊校云原作倒犯今依
古本西麓

人共倚歸興無限鴈影亭皋蛩聲院落雙闕明河光
轉田園夢遠歎籬菊初黃澗萼堪薦拄笏西風四山
煙翠斂

荔枝香近

杜宇聲聲頻喚春漸去暗碧柳色依依湖上迷青霧
殘香淨洗紅蘭昨夜朱鉛雨金泥帳底雙虬自沈乳
天際漸迤邐片帆南浦一笑薔薇別後酒杯慵舉
江上琵琶莫遣東風誤鸚鵡淚擁通宵蠟炬

又

臉霞香銷粉薄淚偷泣靨靨金獸沈水微薰入簾綠
樹春陰糝徑紅英風捲芳草怨碧王孫漸遠錦屏
夢回恍覺雲雨散玉瑟無心理嬾醉瓊花宴寶釵翠
滑一縷青絲為君剪別情誰更排遣

水龍吟

曉鶯啼醒春愁粉香獨步千紅地庭閑散縞林空剪
雪鷗驚鶴避妬月魂淒行雲夢冷溫柔鄉閉漸黃昏
院落清明時候東風裏無情淚織翠玲瓏葉底倚
闌人玉龍休吹殘妝未洗芳心微露昭陽睡起恨結
連環舞停雙佩水晶如意倩蜂媒聘取瓊花細與向
尊前比

六醜

自清明過了漸柳庭鶯梭慵擲萬紅御風飄飄如附
翼錦繡陳迹障地香塵暗亂蜂似雨謾冶游南國蘭
襟縹緲辭湘澤馬蹟郊原燕泥巷陌傷春為花淡惜
歎芳菲薄倖容易疏隔庭閑人寂空餘芳草碧夢
裏驚春去如瞬息長安市上狂客為桃源解佩醉濃
歡極無心整霧襟煙憤驚回處斷雨殘雲倦倚畫闌
干側相思恨暗度流沙更杜鵑院落黃昏近誰禁受

得

塞垣春

草碧鋪橫野帶暝色歸鞍卸煙葭露葦滿汀鷗鷺人
在圖畫漸一聲鴈過南樓也更細雨時飄灑念徽容
都消瘦謾將紈素描寫臨鏡理殘妝依然是京兆
柔雅落葉感秋聲啼螿歎涼夜對黃花共說憔悴相
思夢頓醒西窗下兩腕玉挑脫素纖慳半把

掃花游

蕙風颺暖漸草色分吳柳陰迷楚寸心似縷看窺簾
燕妥如花蝶舞剪剪愁紅萬點輕飄淚雨怕春去問
杜宇喚春歸去何處後期重細許倩落絮飛煙障
春歸路長亭別俎對歌塵舞地暗傷蠻素算得相思
比著傷春又苦正凭竚聽斜陽斷橋簫鼓

夜飛鵲

秋江際天闊風雨淒其雲陰未放晴暉歸鴉亂葉更
蕭索砧聲幾處寒衣沙頭酒初熟盡籬邊朱槿竹外
青旗潮期尚晚怕輕離故故遲遲何似醉中先別
容易爲分襟獨抱琴歸回首征帆縹緲津亭寂寞衰
草煙迷虹收霽色漸落霞孤鶩飛齊更何時重與論
文渭北剪燭窗西

滿庭芳

槐影連陰竹光搏露小荷新綠浮圓葦紋如浪綃帳
碧籠煙回合溪橋一曲初雨過流水濺濺闌干外沙
鷗野鳥飛過釣魚船浮生同幻境眼空四海蹟寄
三掾但隨天休問我後誰前要識淵明琴趣真真意
都在無弦薰風裏綸巾羽扇一枕北窗眠

花犯

報南枝東風試暖蕭蕭甚情味亂瓊雕綴幻姑射精

神玉藥佳麗壽陽宴罷妝臺倚眉顰羞鵲喜念誤卻
何郎歸去清香空翠被 溪松徑竹素知心青青歲
寒友甘同憔悴漸畫角嚴城上霜鴈驚墜煙江暮佩
環未解愁不到獨醒人夢裏但恨繞六橋明月孤山
雲畔水

大酺

霧罽西山珠簾捲濃靄淒迷華屋蒲萄新綠漲正桃
花煙浪亂紅翻觸繡閣留寒羅衣怯潤慵理鳳樓絲
竹東風垂楊恨鎖朱門淡靜粉香初熟念緩酌鐙前
醉吟孤枕頓成清獨 傷心春去速歎美景虛擲如
飛轂謾辜負鞦韆臺榭拾翠心期誤芳菲怨眉愁目
冷透番箒溼空展轉畫屏山曲夢不到華胥國閑倚
雕檻試采青青梅菽海棠尚堪對燭

霜葉飛

碧水天如新蟾挂修眉初畫雲表半江楓葉自黃昏
淡院礎聲悄漸涼蝶殘花夢曉西風籬落寒蟹小背
畫闌依依有數點流螢亂撲扇底微照 凝望沙漠
平蕪蒹葭煙遠過鴈還帶愁到拚日日教醉斜陽但
素琴橫抱謾舊譜歸耕未了金徽誰度淒涼調算多
少悲秋恨恨比秋多比秋猶少

法曲獻仙音

油幕收塵素紈招月一枕賞香微度枕玉牙牀浣冰
金斛薰風夜涼窗戶漸睡醒明河暗芭蕉幾聲雨對
誰語 念徽容已成憔悴心期誤歸計欲成又阻寂
寞燕樓空想弓彎眉黛慵嫵淚墨愁箋縱回文難寫
情悵便山遙水邈幾度夢魂飛去

渡江雲

青青江上草片帆浪暖初泊渡頭沙翠筇便瘦倚問

酒垂楊影裏那人家東風未許謾嫵媚輕試鉛華飄
佩環玉波秋瑩雙髻綠堆鴉空嗟赤闌橋畔暗約
琴心倚鞦韆影下夜漸分西窗愁對煙月籠紗離情
暗逐春潮去南浦恨風葦煙葭腸斷處門前一樹桃
花

應天長

流鶯喚夢芳草帶愁東風料峭寒色又見杏漿餈粥
家家禁煙食江湖幾年倦客慣識淒涼岑寂苦吟瘦
蕭索詩腸空愧郊籍春事正溪山柳霧花塵淡映
翠羅壁更謝多情雙燕歸來舊庭宅晴絲亂游巷陌
悵容易萬紅陳迹酒旗直綠水橋邊猶記曾識

玉樓春

東風躍馬長安道一樹櫻桃花謝了別來千里夢頻
歸醉裏五更愁不到江南兩岸無名草雨徧莓苔

生嫩葆玉樓人遠綠腰閑簾幕淡沈雙燕老

又

粉消香減紅蘭淚總是文君初別意春風織就悶情
懷夜月砌成愁況味迢迢歸夢頻東里堪恨洛陽花
漸已斜陽日日自相思三十六陂芳草地

又

萬花最底曾擡眼澹雅梳妝嬌意足夜來鸚鵡夢中
人春去琵琶江上曲雙鸞碧重釵頭玉裙曳湘羅浮
淺綠東風一醉買蛾眉為拚明珠三萬斛

又

西園鬪結鞦韆日漾游絲煙外裊小橋楊柳色初
濃別院海棠花正好粉牆任度鶯聲巧薄薄輕衫
空短帽便拚日日醉芳菲未必春風留玉貌

又

柳絲挽得秋光住腸斷驛亭離別處斜陽一片水邊
樓紅葉滿天江上路鴻來去鴈知何數欲問歸期
朝復暮晚風亭院倚闌干兩岸蘆花飛雪絮

傷情怨

南枝春意正小籬菊都荒了帳底孤燈夜來還獨照
沙洲煙翠縹緲謝塞鴻頻帶書到笑撚梅花今年
開較早

品令

玉壺塵靜蟾光透一簾疏影偏愛水月樓臺近畫闌
獨倚風度寒香陣猶記曲江煙水恨歎淒涼誰問
夜淡沙觜霜痕印嚼花拚醉枝上春無盡

木蘭花

長江浩渺山明秀宛轉西風驚客袖相逢纔繫柳邊
舟相別又傾花下酒怪得新來詩骨瘦都在秋孌

相識後一天明月照相思蘆荻汀洲霜滿首

秋蕊香

晚酌空城酒暖玉輦嫩紅潮面醉中窈窕度嬌眼不
識愁淡恨淺繡窗一縷香緘線雙燕海棠滿地
夕陽遠明月笙歌別院

菩薩蠻

銀城遠枕清江曲汀洲老盡蒹葭綠君上木蘭舟妾
愁雙鳳樓角聲何處發月浸溪橋雪獨自倚闌看
風飄襟袖寒

玉團兒

醜奴兒

歲寒時節千林表獨耐風霜妬粉欺黃澹澹衣裳薄
薄妝 西湖十二闌干曲倚徧寒香白鷺橫塘一片
孤山幾夕陽

感皇恩

體態玉精神惺惚言語一點靈犀動人處繡香羅帕
為待別時親付要人長記得相苦思 綵鸞獨跨藍
橋歸路憔悴東風蠻素自桃葉楊花又向空江欲渡
任洛陽城裏春無數

宴桃源

閑倚瑣窗工繡春困兩眉頻皺獨自下香街攀折畫
橋煙柳晴晝晴晝偏稱玉樓歌酒

又

何處春風歸路金屋空藏樊素零亂海棠花愁夢欲
隨春去情緒情緒粉濺兩行冰筋

月中行

鬢雲斜插映山紅春重澹香融自攜紈扇出簾櫳意
欲撲飛蟲 薔薇架下偏空酒纖纖手自引金鐘歌
倦歌伴歌醉 東風愁在落花中

漁家傲

日轉花梢春已晝雙蛾曲理遙山秀百草偏輸羞不
鬪隨人後無情自折金絲柳 金水盈盈嬌欲溜六
么倦舞弓灣袖偷摘青梅推病酒徘徊久一雙燕子
歸時候

又

自別春風情意惻秦箏不理香塵積去躍青驄游上
國得得得何如莫向尊前識 薄倖高陽花酒客迷
雲戀雨青樓側金屋空閑雙鳳席離懷適銀臺燭淚
成行滴

定風波

慵拂妝臺嬾畫眉此情惟有落花知流水悠悠春脈
脈閑倚繡屏猶自立多時有約莫教鶯解語多愁
卻妬燕子飛一笑蔷薇辜舊約載酒尋歡因甚嬾支
持

謝了梨花寒食後剪剪輕寒曉色侵書牖寂寞幽齋
惟酌酒柔條恨結束風手淺黛嬌黃春色透薄霧
輕煙遠映蘇隄秀目斷章臺愁舉首故人應似青青
舊

又

牆外鞦韆花影後環獸金懸暗綠籠朱牖為怯輕寒
猶滯酒同心共結懷纖手粉淚盈盈香淚透感損
雙眉嬾畫遙山秀柔弱風條任拂首渭城歌舞春如

舊

又

寂寞長亭人別後一把垂絲亂拂閑軒牖三月春光
濃似酒傳杯莫放纖纖手金縷依依紅日透舞徹
東風不減蠻腰秀撲鬢楊花如白首少年悵緒心如
舊

又

落盡櫻桃春去後舞絮飛絲撲簌穿簾牖惜別情懷
愁對酒翠條折贈勞親手繡幕淡沈寒尚透雨雨
晴晴妝點西湖秀悵望章臺如轉首畫闌十二東風
舊

又

樓上鐘殘人漸定庭沈沈月落梧桐井悶倚瑣窗
鐙炯炯獸香閑伴銀屏冷浙瀝西風吹鴈影一曲

胡笳別後誰堪聽誓海盟山虛話柄憑書問著無言
應

紅羅襖

別來書漸少家遠夢徒歸念去歲來鴻愁隨秋到舊
盟新約心與天知楚江上木落林稀西風尚隔心
期水闊草離離更皓月照影自傷悲

少年游

蘭屏香暖松醪味滑湖蟹薦香棖鴈宇秋高鳳臺人
遠明月自吹笙輕寒剪剪生襟袖銀漏漸催更暗
憶年時桂風庭院笑竝玉肩行

又

斜陽冉冉水邊樓珠箔水晶鈎拍點紅牙簫吹紫玉
任按小梁州雙鸞已誤青樓約誰伴月中游倦蝶
殘花寒蠶落葉長是替人愁

又

畫樓淡映小屏山簾幕護輕寒比翼香囊合歡羅帕
都做薄情看如今已誤梨花約何處滯歸鞍待約
青鸞綵雲同去飛夢到長安

又

翠羅裙解縷金絲羅扇掩芳姿柳色凝寒花情帶雨
生怕踏青遲碧紗窗外鶯聲嫩春在海棠枝別後
相思許多憔悴惟有落紅知

還京樂

綵鸞去適怨清和錦瑟誰共理柰春光漸老萬金難
買榆錢空費岸草煙無際落花滿地芳塵委翠袖裏
紅粉濺濺東風吹淚任鴛幃座寶香寒金獸慵熏
繡被依依離別意味瓊釵暗畫心期倩啼鶉為催行
黯銷魂但夢逐巫山情牽渭水得待歸來後鏡前淡

訴憔悴

解連環

寸心誰託望瀟湘暮碧水遙雲邈自繡帶同剪合歡
柰鴛枕夢單鳳幃薄澹月梨花別後伴情懷蕭索念
傷春漸嬾病酒未收兩愁無藥魂銷翠蘭紫若任
釵沈鬢影香沁眉角恨畫閣塵滿妝臺但玉佩依然
寶箏閑卻舊約無憑誤共賞西園桃萼正天涯數聲
杜宇斷腸院落

綺寮怨

滿院荼蘼開盡杜鵑啼夢醒記曉月綠水橋邊東風
又折柳旗亭蒙茸輕煙草色疏簾淨亂織羅帶青對
一尊別酒初斟征衫上點滴香淚盈幾度恨沈斷
雲飛鷺何處連環尚結雙瓊一曲琵琶湓江上憎曾
聽依依翠屏香冷聽夜雨動離情春淡小樓無心對

錦瑟空涕零

玲瓏四犯

金屋春淡似灼灼娉娉真真嬌豔洗淨鉛華依舊曲
眉豐臉猶記舞歇涼州漸縹緲碧雲繚亂自玉環寶
鏡偷換別後甚時重見鸞幃鳳席鴛鴦薦但空餘
蕙芳蘭蒨天涯柳色青青恨不入東風眼惆悵二十
四橋任落絮飛花亂點柰翠屏一枕雲雨夢誰驚散

丹鳳吟

暗柳煙淡何處翡翠簾蘖鴛鴦樓閣芹泥融潤飛燕
競穿珠幕鞦韆倦倚還思年少鞦韆步塵輕衫裁羅薄
陡頓芳心暗老強理新妝離思都占眉角過了幾
番花信曉來剗地寒意惡可煞東風甚把天桃豔杏
故故凌鏤傷春憔悴淚蠹粉腮香落挑脫金寬雙玉
腕怕人猜偷握漸芳草恨畫闌休倚著

憶舊游

又睂峯碧聚記得郵亭人別水宵剪燭西窗下聽林
梢葉墮霧漠煙瀟綵鸞夢逐雲去環佩入扶搖但鏡
裂鴛奩釵分燕股粉膩消香迢迢舊游處向柳維
舟花座揚鑣更憶西風裏采芙蓉江上雙槳頻招怨
紅一葉應到明月赤闌橋漸淚浥瓊腮胭脂淡薄羞
嫩桃

拜星月慢

漏閣閑籤琴窗倦譜露溼宵螢欲暗鴈咽涼聲寂寥
芙蓉院畫檐外樹色驚霜漸改澹碧雲疏星爛舊約
桐陰問何時重見倚銀屏更憶秋孃面想凌波共
立河橋畔重念酒污羅襦漸金篝香散剪孤燈伴宿
西風館黃花夢對發淒涼歎但悵望一水家山被紅
塵隔斷

倒犯

百尺鳳皇樓碧天暮雲初埽冰華散縞雙鸞駕鏡懸
空窈窕娑娑桂影香滿西風闌干悄漸玉魄金輝飛
度千山表餌玄霜醉瓊醪身在九霄獨步丹梯飄
飄輕霧寫縹緲廣寒殿覺塵世山河小夢十二瓊樓
好算誰知消息盈虛道任地久天長今古無私照但
仙娥不老

解語花

鼇峯溯碧貝闕緣雲桂魄寒光射鳳檐鴛瓦星河際
縹緲繡簾高下笙簫奏雅夢雪柳蛾兒笑把瓊佩搖
珠翠盈盈迤邐飄蘭麝陸地金蓮照夜富綺羅妝豔
春態容冶籠紗鞍帕香塵過禁陌寶車驕馬游人靜
引也東風裏萬紅初謝沈醉歸殘角霜天漸落梅聲
罷

舊校云此闕不見清真
元詞

過秦樓

捲聽蛩砧初拋一紈扇隔浦亂鐘催晚湘蒲葦冷楚竹
簾稀窗下乍聞裁剪倦柳梳煙枯蓮蘸水芙蓉翠淡
紅淺對半牀燈火虛堂淒寂近書思徧夜漏永玉
宇塵收銀河光爛夢斷楚天空遠娉娉月樹縹緲仙
香在廣寒宮殿無柰離愁亂織藉酒消磨倩花排遣
漸江空霜曉黃蘆漠漠一聲來鴈

過秦樓

翠約鬢香綠搏槐蔭隔水晚蟬聲斷壺冰避暖釧玉
欹涼倦暑嬾拈歌扇雲浪縹緲魚鱗新月開弦落星
沈箭恨經年間闊柔箋空寄夢隨天遠憔悴損臂
薄煙綃腰寬霞縷錦瑟暗塵侵染韓香猶在秦鏡空
圓薄倖舊盟俱變虛蠹春華為誰容改芳徽魂飛嬌
倩凭危樓望斷江外青山亂點

解蹀躞

岸柳飄殘黃葉尚學纖腰舞謝他終日亭前伴羈旅
無柰歷歷寒蟬為誰喚老西風伴人吟苦悶無緒
記得芙蓉江上蕭孃舊相遇想如今憔悴黃花慣風
雨把酒東望家山醉來一枕閑窗夢隨秋去

蕙蘭芳引

虹雨乍收楚天霽亂飛秋鶯漸草色衰殘牆外土花
暗綠故山鶴怨流水自菊籬茅屋日暮詩吟就澹墨
閑題脩竹更憶飄蓬霜縹風葛幾度涼燠歎歸去
來兮何日甬東一曲黃蘆滿望白雲在目但月明長
夜伴人清獨

六么令

授衣時節猶未定燠長空雨收雲霽湛碧秋容沐還
是鱸肥蟹美橡栗邛邛熟不堪追逐龍山夢逮惆悵

田園自黃菊 醉中還念倦旅觸景傷心目羞破帽
把茱萸更憶尊前玉愁立梧桐影下月轉回廊曲歸
期將卜西風吹鴈嬾寄斜封但相矚

紅林擒近

飛絮迷芳意落梅消暗香皓鶴唳空碧白避鷗寒塘
妨它踏青鬪草便放曉日東窗先自嬾弄晨妝誰柰
靚笙簧 望帘尋酒市看釣認漁鄉控持紫燕芹泥
未上雕梁想梁園謝館羣花較晚但陪玉樹頻舉觴

又

三萬六千頃玉壺天地寒庾嶺封的皜淇園折琅玕
漠漠梨花爛熳紛紛柳絮飛殘直疑潢潦驚翻斜風
沂狂瀾 對此頻勝賞一醉飽清歡呼童剪韭和冰
先薦春枓怕東風吹散留尊待月倚闌莫惜今夜看
滿路花

離歌泣斷雲別舞愁飛雪鳳皇臺上望瓊簫絕釵分
玉燕寸寸回腸折碧空歸鴈闊猶有疏梅歲寒獨伴
高節 鮫綃羅帕淚洒胭脂血悠悠江上水天連接
朱樓徧倚萬里空情切此恨憑誰說天若有情料天
須有區別

又

寒輕菊未殘春小梅初破獸鑪閑撥盡松明火青氈
錦幄四壁新妝裏重暖香篝繡被擁銀屏綵鸞空伴
雲臥 相思何處夢入藍橋左歸期還細數愁眉鎖
薄情孤鴈不向樓西過故人應怪我怪我無書有書
還倩誰呵

氏州第一

閑倚江樓涼生半臂天高過鴈來小紫芡波寒青蕪
煙澹南浦雲帆縹緲潮帶離愁去冉冉夕陽空照寂

西麓雜詩集
二五
寞東籬白衣人遠漸黃花老 見說西湖鷗鷺少孤
山路醉魂飛繞荻蟹初肥鱸_鱖更美盡酒懷詩抱待
南枝春信早巡檐對梅花索笑月落烏啼漸霜天鐘
殘夢曉

尉遲盃

長亭路望渭北漠漠春天樹殷勤別酒重斟明日相
思何處晴絲颺暖芳草外斜陽自南浦望孤帆影接
天涯一江潮愁去 回首杜若汀洲歎汎梗飄萍乍
散還聚滿徑殘紅春歸後猶有楊花亂舞恨金徽梁
塵暗鎖算誰是知音堪共語盡天涯夢斷東風綵雲
鸞鳳無侶

塞翁吟

睡起鸞釵墜金約鬢影朧朧檐佩冷玉丁東鏡裏對
芙蓉秦箏倦理梁塵暗惆悵燕子樓空山萬壘水千

重一葉謾題紅 息息從別後殘雲斷雨餘香在鮫
綃帳中更懊惱燈花無準寫幽悵錦織回文小字斜
封無人為託欲倩賓鴻立盡西風

繞佛閣

暮煙半斂雲護澹月斜照樓館春夜偏短一牀耿耿
孤鐙晃幃幔玉壺漏滿天外漸覺歸鴈聲遠離思淒
婉重懷執手東風翠鬢岸 料想鳳樓人倦繡回文
停綵線憔悴淚積香銷嬌粉面歎暗老年光隙駒流
箭夢中空見謾惹起相思芳意迷亂錦前重向紗向
窗展

慶春宮

孤鶯披霞歸鞍卸日晚香菊自寒城虛館鐙閑征衫
塵浣夜淡處砧聲怨蛩催怨月明裏依稀數星雲山
迢遞猶誤歸期方寸偏縈 秋風燕送鴻迎最憐隄

柳白露先零倦倚樓高恨隨天遠桂風和夢俱清故
千里記剪燭西窗賦成相如憔悴宋玉淒涼酒恨花
情

滿江紅

目斷江橫相思字難憑鴈足從別後倦歌慵繡悄無
拘束煙柳翠迷星眼恨露桃紅沁霞腮肉傷瑣窗終
日對文枰翻新局頻暗把歸期卜芳草恨闌干曲
謝多情海燕伴愁華屋明月自圓雙蝶夢綵雲空伴
孤鸞宿任畫簾不捲玉鉤閑楊花撲

丁香結

塵擁妝臺翠閑歌館金井碧梧風隕聽豆蟲聲小伴
寂寞冷逼莓牆蒼潤料淒涼宋玉悲秋恨此際怎忍
蓮塘風霧漸入粉豔紅衣落盡勾引記舞歇弓彎
幾度柳圍花陣酒薄愁濃霞腮淚漬月眉香暈空對

秦鏡尚缺暗結回腸寸念纖腰柔弱都為相如瘦損
三部樂

西湖

形勝地西陵往事重記溶溶王氣滿東南英雄閒起
鳳游何處古臺空長江縹緲無際石頭城上試倚
吳襟楚帶如繫烏衣巷陌幾斜陽燕閑舊壘後庭玉
樹委歌塵淒涼遺恨流水買花問酒錦繡市醉新
亭芳草午里夢醒覺非今世對三山半落青天數點

白鷺飛來西風裏

一寸金

吾愛吾廬角水東南半邨郭試倚樓極目千山拱翠
舟橫沙觜江迷城腳水滿蕩風作闌干外夕陽半落
荒煙暝幾點昏鴉野色青蕪自空廓浩歎飄蓬春
江幾度依依柳邊泊念水行雲宿栖遲羈旅鷗盟鷺
伴歸來重約滿室凝塵澹無心處宦情最薄何時遂
釣笠耕蓑靜觀天地樂

瑞鶴仙

故廬元負郭愛樹色參差湖光渺漠樓危萬山落俯
闌干十二簾檐飛桷花嬌柳弱映輕黃淺黛依約與
沙鷗共結新盟伴我醉眠醒酌蕭散雲根石上淪
茗松泉注書芸閣鶯窺燕幕檐外竹圃中藥念耕煙
釣雪已成活計一任風波自惡但無心萬事由天夢

中更樂

浪淘沙慢

暮煙愁鴉歸古樹鴈過空堞南浦牙檣漸發陽關歌
盡半闕便恨入回腸千結萬長亭柳寸寸攀折望日
下長安近莫遣鱗鴻成閒絕淒切去帆浪遠江闊
悵頓解連環西窗下對燭頻哽咽歎百歲光陰幾度
離別翠銷粉竭信乍圓易散綵雲明月浙水吳山重
重疊流蘇帳陽臺夢歇暗塵鎖孤鸞秦鏡缺羞人問
怕說相思正滿院楊花落盡東風雪

西平樂慢

汎梗飄萍入山登陸迢遞霧迴煙賒漠漠蒹葭依依
楊柳天涯總是愁遮歎寂寞塵埃滿眼夢逐孤雲縹
緲春潮帶雨鷗迎遠漱鴈別平沙寒食梨花素約腸
斷處對景暗傷嗟晚鐘煙寺晨鷄月店征裾蕭疏

白鷺飛來西風裏

一寸金

吾夢吾廬甬水東南半邨郭試倚樓極目千山拱翠
舟橫沙觜江迷城腳水滿蕙風作闌干外夕陽半落
荒煙暝幾點昏鴉野色青蕪自空廓浩歎飄蓬春
江幾度依依柳邊泊念水行雲宿栖遲羈旅鷗盟鷺
伴歸來重約滿室凝塵澹無心處宦情最薄何時遂
釣笠耕蓑靜觀天地樂

瑞鶴仙

故廬元負郭夢樹色參差湖光沙漠樓危萬山落俯
闌干十二簾檐飛桷花嬌柳弱映輕黃淺黛依約與
沙鷗共結新盟伴我醉眠醒酌蕭散雲根石上淪
茗松泉注書芸閣鶯窺燕幕檐外竹圃中藥念耕煙
釣雪已成活計一任風波自惡但無心萬事由天夢

中更樂

浪淘沙慢

暮煙愁鴉歸古樹鴈過空堞南浦牙檣漸發陽關歌
盡半闋便恨入回腸千結萬長亭柳寸寸攀折望日
下長安近莫遣鱗鴻成間絕淒切去帆浪遠江闊
悵頓解連環西窗下對燭頻哽咽歎百歲光陰幾度
離別翠銷粉竭信乍圓易散綵雲明月浙水吳山重
重疊流蘇帳陽臺夢歇暗塵鎖孤鸞秦鏡缺羞人問
怕說相思正滿院楊花落盡東風雪

西平樂慢

汎梗飄萍入山登陸迢遞霧迴煙賒漠漠蒹葭依依
楊柳天涯總是愁遮歎寂寞塵埃滿眼夢逐孤雲縷
縵春潮帶雨鷗迎遠漱鴈別平沙寒食梨花素約腸
斷處對景暗傷嗟晚鐘煙寺晨鷄月店征褐蕭疏

破帽欹斜憶幾度微吟馬上長嘯舟中慣踏新豐巷
陌舊酒猶香惟悴東風自歲華重憶少年櫻桃漸熟
松粉初黃短楫歡呼日日江南煙邨八九人家

玉燭新

南鄉子

歸鴈轉西樓薄倖音書日日收舊恨卻憑紅葉去
颺春水多情日夜流楊柳曲江頭煙裏青青恨不
休九十韶光風雨半回眸一片花飛一片愁

望江南

嬌滴滴聰雋在秋波六幅香裙控細縠一鉤塵鞮剪
輕羅春意動人多臨寶鑑石黛拂脩蛾燕子樓頭
蝴蝶夢桃花扇底竹枝歌楊柳月娉娉

又

煙漠漠湖外綠楊隄滿地落花春雨後一簾飛絮夕
陽西梁燕落香泥流水恨和淚入桃蹊鸚鵡洲邊
鸚鵡恨杜鵑枝上杜鵑啼歸思越淒淒

浣溪沙

自別蕭郎錦帳寒鳳樓日日望平安杏花枝上露纔
乾眉皺但嫌鈿翠墮臂銷惟覺釧金寬薄情楊柳
帶征鞍

又

一枕華胥夢不成碧筍香潤玉醪傾日長花影過池

亭 雪藕臂寒鸚較怯采菱歌發鷺頻驚白蘋洲上
雨初晴

又

約臂金圓隱絳繒枕痕斜印曲花藤玉肌嬌 瑩如
冰 護日簾蘖迷曉夢舞風瓊佩弄秋聲倦妝鸞鑑
不忺凭

又

寶鏡奩開素月空晚妝慵結繡芙蓉殢人嬌語更惚
惚 倦浴金蓮輕襯步捧笙玉筍半當冑枕痕猶露
一絲紅

又

雙 樓 髻垂佩環依約下瑤池鬢邊斜插碧蟬
兒 不嫁東風蘇小恨未圓明月柳孃悲舞休愁曼
縷金衣

又

鬪鴨闌干燕子飛一隄春水漾晴暉女郎何處踏青
歸 生色鞦兒銷鳳穩碧羅衫子唾花微後期應待
牡丹時

又

六幅蒲帆曉渡平一江星斗漸西傾離家纔是兩三
程 浦外野花如喚客樹頭春鳥自呼名五雲淡處
錦官城

又

柳底征鞍花底車兩行香淚溼紅襦別來鶯燕已春
餘 梳洗樓臺愁獨倚笙歌庭院醉誰扶捲簾閑看
玉儲胥

又

十二珠簾繡帶垂柳煙迷暗楚江涯自攜玉笛凭丹

梯寫恨鸞箋凝粉淚踏青鴛鞮濺金泥落紅淡處
亂鶯啼

又

朦騰小篆香素紈輕度玉肌涼竹淡荷淨少炎
光雨過亂蟬嘶古柳日斜雙鷺立閑塘更將心事
自商量

點絳脣

睂葉顰愁淚痕紅透蘭襟潤鴈聲將近須帶平安信
獨倚江樓落葉風成陣情懷悶蝶隨蜂趁滿地黃
花恨

又

別後長亭翠蕪寂寞分襟地鴈書空寄歸夢頻東里
一曲秋風寫盡淵明意凝情際雨襟煙袂都是黃
花淚

又

分袂情懷快風一箭輕帆舉暮煙雲浦芳草斜陽路
輸與閑鷗朝暮潮來去空凝竚小橋樊素金屋春
淡處

又

鶯語愁春海棠風裏胭脂雨酒杯慵舉閑撲亭前絮
漠漠斜陽截斷愁來路凭闌竚滿懷離苦分付樓
南鼓

夜游宮

愁壓睂峯成斂幾回皺落花鈿點鏡裏芳容自羞見
又黃昏聽南樓度更箭月引桐陰轉珠簾動影搖
花亂鴈過西風楚天遠待歸來把愁睂印郎面

又

窄索樓兒傷水漸秋到漁邨橘里薄倖江南倦游子

恣輕狂戀高陽歌酒市 獨自簾兒底香羅帶翠閑
墜金為惱情懷怕拈起對西風搵啼紅印窗紙

訴衷情

綠雲鳳髻不忺盤情味勝思酸曉色露桃煙杏空照
臉霞丹 花漸老徑苔閑錦闌班怨紅一葉流水東
風好去人間

又

嫩寒侵帳弄微霜客淚不成行料得黃花憔悴何日
賦歸裝 樓獨倚漏聲長暗情傷淒涼況味一半悲
秋一半思鄉

一落索

澹澹雙蛾疏秀為誰頻皺落花何處不春愁料不是
因花瘦 錦字香箋封久鱗鴻稀有舞腰銷減不禁
愁怕一似章臺柳

又

欲寄相思情苦倩流紅去滿懷寫不盡離愁都化作
無情雨 渺渺暮雲春樹澹煙橫素夕陽西下杜鵑
啼怨截斷春歸處

迎春樂

垂楊影下黃金屋東風漸粉香熟恨當年有約驂鸞
速誤一枕紅雲宿 帶眼寬移腰似束怪何事褪紅
銷綠背面立鞦韆羞人問環連玉

又

江湖十載疏狂迹紅塵裏倦游客駐雕鞍問柳東風
陌花底帽任欹側 斗酒百篇呼太白傲人世醉中
一息何日賦歸來水之南雲之北

又

依依一樹多情柳都未識行人手對青青共結同心

就更共飲旗亭酒，禱上芙蓉鋪軟繡，香不散，綵雲
春透。今歲又相逢，是燕子歸來後。

虞美人

春衫薄薄寒猶戀，芳草連天遠。嫩紅和露入桃腮，柳
外東邊樓閣，燕飛來。霓裳一曲憑誰按，錯重
看金釧閑。暖麝檀煤銀燭替人垂淚，共心灰。

又

夕陽樓上都凭，徧柳下風吹面。強辜羅袖倚重門，嬾
倚玉臺鸞鏡，暗塵昏。離情脉脉如飛絮，此恨憑誰
語。一天明月一江雲，雲外月明應照鳳樓人。

又

疏林遠帶寒山小，月落霜天曉。櫂歌初發浦煙中，自
歎疏狂蹤跡似萍蓬。江邊衰柳迷津埃，歸興濃於
酒。斷煙流水自寒塘，十里蒹葭鷗鷺兩三雙。

又

綵雲別後房蘂悄，愁立西風曉。倚闌無語對黃花，惆
悵玉郎應在楚江涯。鈿箏空貯芳塵滿，寂寞朱弦
斷。夜來一點帳前鐙，頻吐銀花雙燼照羅屏。

又

玉奩香細流蘇暖，寒日花梢短。翠羅塵暗縷金消，
東華屋自藏嬌。當時攜手鴛鴦徑，一笑薔薇
影。如今眉黛鎖愁封，欲問歸期消息望賓鴻。

醉桃源

金閨平帖被青青，寶街球路綾。曉風吹枕淚成冰，梅
梢霜露零。金鴨暖寶熏，騰晴窗粘凍蠅。夢魂空趁
斷雲行，江山千里程。

又

青青楊柳拂隄沙，溪頭沽酒家。吟成醉筆走龍蛇，春

風雙鬢華 歌楚女舞吳娃輕煙籠翠霞倦春嬌困
寶釵斜綠垂雲髻鴉

鳳來朝

百媚春風面鳳簫催綠幺舞徧玉鸞釵半溜烏雲亂
悄疑是夢中見曲歇弓彎袖斂繡芙蓉香塵未斷
買一笑千金拚共醉倚畫屏暖

垂絲釣

鬢蟬似羽輕紈任映嬌無凭闌看花仰蜂粘絮春未
許寶箏閑玉柱東風暮 武陵溪上路娉婷婀娜劉
郎依約曾遇鴛儔鳳侶重記相逢處雲隔陽臺雨花
解語舊夢還記否

芳草渡

芳草渡漸迤邐分飛鴛儔鳳侶洒一枝香淚梨花寂
寞春雨惜別情思苦息息淡盟訴翠浪遠六幅蒲帆

縹緲東去 還顧夕陽冉冉恨逐潮回南浦路謾空
念歸來燕子雙棲舊庭戶市橋細柳尚不減少年張
緒漸瘦損嬾照秦鸞對舞

相思琴調引

金谷園林錦繡香踏青挑菜又相將鳳臺人遠離思
入三湘 花著雨添紅粉重柳隨風曳碧絲長薄情
鶯燕春去怎商量

此闕不見清真元詞

咸豐丁巳二月十六日墾傳新城羅氏寫本二
十五日春分社前一日雙聲閣錄畢記

同治

江蘇

藏書

